



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: UP-1/21-1-40-530-6/21

Datum: 25.01.2022.godine

«Agencija za vodno područje rijeke Save» Sarajevo rješavajući po zahtjevu Općine Žepče, za donošenje rješenja o prethodnoj vodnoj saglasnosti za izgradnju kanalizacionog kolektora uz rijeku Bosnu za priključak kanalizacije iz objekta Gradske toplane na glavni gradski kolektor, na osnovu člana 12. stav 1 tačka 1. i 6. i člana 109. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99), donosi

RJEŠENJE **o prethodnoj vodnoj saglasnosti**

1. Daje se prethodna vodna saglasnost Općini Žepče za izgradnju kanalizacionog kolektora preko parcele označene kao k.č. broj 71/1 K.O. Žepče-van (javno vodno dobro uz rijeku Bosnu) za priključak kanalizacije iz objekta Gradske toplane na glavni gradski kolektor u ukupnoj dužini 200 m, a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod slijedećim uslovima:
 - 2.1. Izraditi i revidovati investiciono-tehničku dokumentaciju, a sve u skladu sa članom 5. stav (2) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).
 - 2.2. Investiciono-tehnička dokumentacija treba biti urađena i revidovana od strane ovlaštenog pravnog lica (**lista A**) shodno Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt («Službene novine Federacije BiH», broj 17/08 i 38/12).
 - 2.3. Projektnom dokumentacijom dati tehničko rješenje kolektora sa svim potrebnim proračunima i tehničkim opisom kao i situativni prikaz trase kolektora, tačan položaj kolektora i pripadajućih revizionih okana u odnosu na rijeku Bosnu, vodno dobro, linije velikih voda ranga pojave jednom u sto godina i druge korisnike voda, ako egzistiraju u zoni izgradnje planiranog kolektora.
 - 2.4. Kanalizacioni kolektor kao i objekti na trasi treba da bude projektovani od vodonepropusnog materijala, kako bi se isključila mogućnost zagađenja podzemnih i površinskih voda te okoliša generalno, bilo razljevanjem otpadnih voda po površini, bilo prodiranjem otpadnih voda u podzemlje.
 - 2.5. Projektnom dokumentacijom sagledati sve moguće neželjene uticaje, kako na planirane objekte kanalizacionog sistema tako i planiranih objekata na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno sprečavanje tih uticaja.
3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije).
4. Po izradi investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.

5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata.
- Uz zahtjev se prilaže :
- Revidovana Investiciono-tehnička dokumentacija urađena u skladu sa uslovima iz dispozitiva ovog rješenja.
 - Rješenje o urbanističkoj saglasnosti za izgradnju predmetnog objekta.
 - Dokaz o izvršenoj uplati takse u iznosu od 60 KM
6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice Općina Žepče – Općinski načelnik Žepče, obratilo se ovoj Agenciji dana 03.11.2021. godine sa zahtjevom za donošenje rješenja o prethodnoj vodnoj saglasnosti za izgradnju kanalizacionog kolektora uz rijeku Bosnu za priključak kanalizacije iz objekta Gradske toplane na glavni gradski kolektor, a u postupku pribavljanja urbanističke saglasnosti.

U provedenom postupku, uz zahtjev za izdavanje prethodne vodne saglasnosti dostavljena je i pregledana slijedeća dokumentacija:

- ovjerena kopija Uvjerenja o registraciji poreznog obveznika, izdatog 04.11.2020. godine od strane Kantonalnog poreznog ureda Zenica,
- ovjerena kopija Obavještenja o razvrstavanju pravnog lica prema klasifikaciji djelatnosti, broj: 07-32.5-16912/20 izdatog 17.11.2020. godine od strane Službe za statistiku za područje Zeničko-dobojskog kantona,
- Ovjerena kopija Uvjerenja o izabranom načelniku općine Žepče, broj: 06-1-07-01-2103-2-58/20 izdatog 15.12.2020. godine od strane Centralne izborne komisije,
- Kopija karastarskog plana, K.O. Žepče – grad, broj plana LD.1, izdatog 28.10.2021. godine od strane Službe graditeljstva i prostornog uređenja – Katastar,
- Izvod iz posjedovnog lista broj 211, K.O. Žepče-van, broj: 03-30-5-3746/21-2 izdatog 28.10.2021.godine od strane Službe graditeljstva i prostornog uređenja općine Žepče,
- Studija za prethodnu vodnu saglasnost za izgradnju kanalizacijske linije za spajanje kanalizacije iz objekta gradske toplane sa glavnim gradskom kolektorom, urađena oktobra 2021.godine od strane «SENDO» d.o.o. Sarajevo,
- Dokaz o uplaćenju upravnoj i administrativnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev dostavljeni svi potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 1. Pravilnika o izmjeni i dopuni pravilnika o sadržaju, obliku, uvjetima, načinu izdavanja i čuvanja vodnih akata („Službene novine FBiH“ broj 41/20) o predmetnom zahtjevu je dana 04.01.2022. godine, obavještena

javnost putem obavještenja u dnevnom listu „Oslobođenje“ i na oglasnoj ploči «Agencije za vodno područje rijeke Save» Sarajevo.

U datom roku nije bilo pisanih izjašnjenja o aktivnostima iz zahtjeva.

Na osnovu uvida u dostavljenu dokumentaciju utvrđeno je sljedeće:

U sklopu projekta izgradnje nove kotlovnice na bio masu u okviru postrojenja gradske toplane planirana je rekonstrukcija postojećih hidroinstalacija i izgradnja kanalizacione mreže sa priključkom na glavni gradski kolektor. Dio novoprojektovanog kolektora prolazi preko parcele označene kao k.č. 71/1 K.O. Žepče-van upisane u P.L. br.211 kao javno vodno dobro. Ukupna dužina planiranog kolektora je 200 m.

Nakon uvida u dostavljenu dokumentaciju, utvrđeno je da, shodno članu 12. stav (1) tačka 1. i stav (2) Zakona o vodama, sa aspekta sektora voda ne postoje smetnje da se podnosiocu zahtjeva izda prethodna vodna saglasnost za izgradnju predmetnih kanalizacionih kolektora, pod određenim uslovima, pa je riješeno kao u dispozitivu ovog rješenja.

Uslovi, koji se trebaju ispoštovati prilikom izrade projektne dokumentacije, a koja je podnosiocu zahtjeva potrebna u postupku pribavljanja vodne saglasnosti i odobrenja za građenje, definisani su u dispozitivu ovog rješenja u skladu sa članom 111. Zakona o vodama, članom 5. i članom 10. stav (3) i članom 17. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu i administrativnu taksu u iznosu od 80 plus 3 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13). Uplaćeni su i posebni troškovi prema Zaključku ove Agencije broj UP-1/21-1-40-530-5/21 od 18.01.2022. godine.

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.inž.građ.

Po ovlaštenju
Rukovodilac sektora za izdavanje vodnih akata


Hariš Ališehović, dipl.inž.građ.

Dostaviti:

- Općina Žepče, Općinski Načelnik
Ul. Stjepana Radiće br.1, 72230 Žepče
- AVP Sava, ISV-vodna knjiga
- Sektor 40 – arhiva
- Oglasna ploča AVP Sava